

## IV. OPOSICIÓN E CONCURSOS

### SERVIZO GALEGO DE SAÚDE

*RESOLUCIÓN do 6 de marzo de 2015, da Dirección Xeral de Recursos Humanos, pola que se fan públicos os acordos do tribunal que xulga o proceso selectivo para o ingreso na categoría de médico/a de urxencias hospitalarias, convocado pola Resolución do 30 de abril de 2013, relativos á baremación definitiva da fase de concurso e á publicación dos/das aspirantes definitivamente seleccionados/as.*

A base oitava da Resolución da Dirección Xeral de Recursos Humanos do 30 de abril de 2013 (*Diario Oficial de Galicia* núm. 91, do 14 de maio), pola que se convoca concurso-oposición para o ingreso na categoría de médico/a de urxencias hospitalarias do Servizo Galego de Saúde, dispón que contra os resultados da baremación provisional, os/as aspirantes que o consideren oportuno poderán presentar reclamación ante o propio tribunal no prazo de dez días hábiles contados a partir do seguinte ao da súa publicación no *Diario Oficial de Galicia*.

Á vista das reclamacións presentadas ou apreciado de oficio polo órgano de selección algún erro material na baremación provisional asignada aos aspirantes, o tribunal practicará as oportunas correccións e aprobará as puntuacións definitivas da fase de concurso e a relación de aspirantes seleccionados, pola orde de puntuación alcanzada nas diferentes quendas de acceso, e elevará esta relación á autoridade convocante para a súa publicación no *Diario Oficial de Galicia*.

Na base novena da citada resolución dispónse ademais que os/as aspirantes definitivamente seleccionados/as disporán do prazo dun mes contado desde o día seguinte ao desta publicación para a presentación da documentación preceptiva exixida na convocatoria.

De conformidade coas anteditas bases, esta dirección xeral, como órgano convocante do proceso

#### RESOLVE:

Primeiro. Publicar na páxina web do Servizo Galego de Saúde ([www.sergas.es](http://www.sergas.es)), o acordo do tribunal designado para xulgar o concurso-oposición da categoría de médico/a de urxencias hospitalarias convocado pola Resolución do 30 de abril de 2013, relativo ás puntuacións definitivas da fase de concurso obtidas polas persoas aspirantes que superaron a fase de oposición do dito proceso selectivo.



Cada aspirante poderá consultar, ademais, o detalle da puntuación obtida nas distintas epígrafes do baremo, no seu expediente electrónico persoal en:

Fides/expedient-e/sección de procesos

Segundo. Publicar, como anexo I desta resolución, a relación dos/das aspirantes seleccionados/as neste proceso, pola orde de puntuación acadada nas diferentes quendas de acceso de conformidade co número de prazas convocadas.

Terceiro. De conformidade coa base 9.1 da convocatoria, os/as aspirantes seleccionados que se relacionan no anexo I desta resolución disporán do prazo dun mes contado desde o día seguinte ao da súa publicación para a presentación da seguinte documentación:

a) Declaración baixo a súa responsabilidade de non ter sido separado/a do servizo, mediante expediente disciplinario, de calquera servizo de saúde ou Administración pública nos seis anos anteriores á convocatoria, nin estar inhabilitado/a con carácter firme para o exercicio de funcións públicas nin, de ser o caso, para a correspondente profesión.

No caso dos/das nacionais doutro Estado, non estar inhabilitado/a, por sanción ou pena, para o exercicio profesional ou para o acceso a funcións ou servizos públicos nun Estado membro, nin ser separado/a, por sanción disciplinaria, dalgunha das administracións ou servizos públicos nos seis anos anteriores á convocatoria.

b) Certificado médico oficial en que se acredite a capacidade funcional necesaria para o desempeño das funcións propias da categoría.

Os/as aspirantes seleccionados que accederon pola quenda de persoas con discapacidade deberán achegar neste prazo, ademais da documentación anterior, orixinal ou certificación compulsada acreditativa do mantemento dos requisitos para acceder pola correspondente quenda, de non ter carácter definitivo a resolución pola que se lle recoñeceu a discapacidade, e que foi achegada dentro do prazo de presentación de solicitudes.

A documentación deberá presentarse nun rexistro administrativo ou a través de calquera dos procedementos previstos no artigo 38 da Lei 30/1992, do 26 de novembro, e deberá dirixirse á Dirección Xeral de Recursos Humanos do Servizo Galego de Saúde, Edificio Administrativo San Lázaro, s/n, 15703, Santiago de Compostela.



De conformidade coa base 9.2 da Resolución do 30 de abril de 2013, os/as que dentro do prazo fixado non presenten a documentación ou do exame dela se deduza que carecen dalgún dos requisitos para participar no proceso selectivo, non poderán ser nomeados/as persoal estatutario fixo e quedarán anuladas as súas actuacións, sen prexuízo da responsabilidade en que incorresen por falsidade na solicitude inicial.

Cuarto. Só para os efectos de elección de destino, de conformidade co artigo 9 do Real decreto 2271/2004, do 3 de decembro, polo que se regula o acceso ao emprego público e a provisión de postos de traballo das persoas con discapacidade, os/as aspirantes que superasen o concurso-oposición pola queda reservada a persoas con discapacidade, poderán solicitar á autoridade convocante, no prazo que se indica no punto terceiro desta resolución, a alteración da orde de prelación para a elección das prazas por motivos de dependencia persoal, dificultades de desprazamento ou outras análogas, que deberán ser debidamente acreditados.

Quinto. Contra o acordo dos tribunais, os/as interesados/as poderán interpoñer recurso de alzada ante a Dirección Xeral de Recursos Humanos do Servizo Galego de Saúde no prazo dun mes contado a partir do día seguinte ao da súa publicación, nos termos previstos nos artigos 114 e 115 da Lei 30/1992, do 26 de novembro, de réxime xurídico das administracións públicas e do procedemento administrativo común.

Santiago de Compostela, 6 de marzo de 2015

Margarita Prado Vaamonde  
Directora xeral de Recursos Humanos

#### ANEXO I Médico/a de urxencias hospitalarias

Nº	DNI	Apelidos e nome	Acceso	OPE	Formación	Experiencia	Innovación e Investigación	Total
1	*316R	Mirás Bello, Carlos David	P	42,927	14,000	20,500	0,000	77,427
2	*115N	Pérez Pacheco, Marina	P	42,657	14,000	17,000	0,300	73,957
3	*541C	Varela Portas Mariño, Jacobó Antonio	P	43,334	14,000	9,350	1,100	67,784
4	*880P	Pichel Loureiro, Ángel	L	46,250	14,000	21,600	1,300	83,150
5	*187F	González Maroño, César	L	44,750	11,882	22,000	2,500	81,132
6	*030Z	Touceda Bravo, Alberto	L	45,750	13,295	21,300	0,100	80,445
7	*664D	Lorenzo Carrero, Jorge	L	42,500	14,000	22,000	1,300	79,800



Nº	DNI	Apelidos e nome	Acceso	OPE	Formación	Experiencia	Innovación e Investigación	Total
8	*142P	Ferreiro Gómez, Manuel	L	43,125	12,965	22,000	0,600	78,690
9	*887T	Lombardí a Cortiña, Mónica	L	43,250	14,000	20,700	0,150	78,100
10	*996F	Rodríguez Trigo, Sandra	L	42,000	13,541	22,000	0,000	77,541
11	*264A	López López, Susana	L	40,875	14,000	22,000	0,050	76,925
12	*550H	Alonso Paz, Jorge	L	38,750	14,000	21,600	0,050	74,400

\* O nº de DNI do/da aspirante seleccionado/a amósase cifrado en protección de datos de carácter persoal

